

КОМСОМОЛОНЬ ВАЙГЯЛЬ

Мордовский АССР-нь Верховный Советть васенце Сессияц

Июль 25-це шистонза илять 6 частта панжевсь Мордовский АССР-нь Верховный Советть васенце Сессияц. Мордовский народть избранниконза—Мордовский АССР-нь Верховный Советть депутатонза исключительнай деловитостьса ушедсть разрешать государственнай важностень кизефкст. Кизефксне, конатнень обсуждает Мордовский АССР-нь Верховный Советть васенце Сессияц неразрывна сотфт рабочей классть и крестьянствать долгай и упорнай революционной тюремаснон мархта, ибо великай русский народсь, а сонь мархтонза многонациональной российской народсь, тьяконь шоворхт и Мордовский народсь коммунистический партиять руководстванц ала упорна и настойчива тюрьсть царский самодержавиять каршес, полной политической свободать, равноправиять, счастливый и радостнай социалистический обществать инкса, кося аш и не может улемс эксплуатация, кося трудсь эрь ломанти арась честень тевкс, славань тевкс, доблестень и геройствань тевкс. И шарьхкодф, што нят кизефксне конатнень ушедсь обсужданомост Мордовский АССР-нь Верховный Советть васенце Сессияц кровно интересуют Мордовский народть. Мордовский народсь оцю интерес мархта ушеды ваномас эсь избранниконзон работаснон мельге—Мордовский АССР-нь Верховный Советть 1-це Сессияц мельге. Мордовский АССР-нь Верховный Советть составоц аши Мордовский народть лучшей представительензон эзда. Сынй йоткост рабочейхть, трактористт, животноводт, опытник-колхозникт, железнодорожникт, дояркат, колхозонь председательхть, партийнай и советский работникт, конат беспредельно преданнайхть Ленинонь—Сталинонь партияти, советский властти. Сынй йоткост Мордовиянь одломаттнень лучшей представительенза—Толстых, Журавлева и лия ялгатне.

Мордовский АССР-нь Верховный Советть составонза 20 рабочайхть, 80 колхозникт, 7 служащайхть и интеллигентт, конатнень эзда 65 ВКП(б)-нь члеть, 6 ВКП(б)-нь членонди кандидатт, 10 комсомолецт, 7 сочувствующайхть, 19

беспартийнайхть—тяфтама социальной и партийнай составоц МАССР-нь Верховный Советть.

Депутаттнень йоткста 20 ават и од стирьнат. Тя няфне ы, што Советский авась навсегда освободилась порабощениятнень эзда, конатнень сон кирзень эсь лангсонза царский самодержавиять пингста. Советский авать одинаковайхть праванза алять мархта. Сонь улихть праванза трудти, ваймамати и образованияти, нят праватне закрепленайхть авати Сталинский Конституциять эса.

Депутаттнень эзда 10 ломатть орденоносецт. Нят ялгатне предприятия, колхозса, совхозса, партийнай и советский работасаняфцть и няфнихть советский властти подленнай патриотизм, Ленинонь—Сталинонь партияти преданность. Сынй ащихть стахановский работань инициаторкс.

Следовательно, тейнек, Мордовский народти цебарьста содафт эсь избранник ньке. Сынй работань и эрьфонь киса—советский народть кич, радостнай и счастливый эрьфть инкса долгай и упорнай тюремань кись. Минь депутатоньке, конатненьди доверили улемс советский руководящей аппаратса, ащихть коммунистонь и беспартийнайнь нерушимай Сталинский блоконь депутаткс. Сынй обязатт работамс народти и народть пользас, ибо сынй кочказень народсь и доверил тейст народсь управлять республикарь мархта, управлять социалистический хозяйствать мархта. Народть мыслянза и работац, сонь избранниконзон мыслясна и работасна—тя фкя мысля, фкя работа—нингя сяда пяк кемокстамс социалистический родинать границанзон, нинге сяда пяк цебарьгафтомс народть культурнай благац и Ленинонь—Сталинонь знамять ала, —инголи коммунизмав.

Комсомолецт и афсоюзнай ломатть ознаменовандасть МАССР-нь Верховный Советть васенце Сессияц васьфтеманц стахановский од рекордса!

Агитаторхт и пропагандистт азондоть большевистский кяльса избирательхненди Сессиять работанц!

Лешинть работань опытоц

М—Марелово велеса, Сталин ялгать лемса колхозса сембоц 5 бригадат Нят бригадатнень эзда 1-це № бригадась (бригадирсь Лешин ялгась) эсь работасонза няфни цебарь показателхть.

Тя бригадась аделазе тундань видемать срукта инголе и цебарь качества мархта, а тяфта жа кочкома и тише урядама кампаниять ке.

Тя цебарь работась ащи резуль-

татокс сянди, што бригадирсь Лешинць путни оцюзабота тейфень курукста и цебарьста аделамаснон инкса.

Сон пользовандай оцю доверияса и авторитетса колхозникнень йоткса.

Тяни Лешинць эсь бригаданц мархта сясць обязательства, штоба уборочнайть аделамс срукта инголе и цебарь качества.

Захаров.

Чамзинкань район.



Снимкаса: РСФСР-нь Верховный Советть Президиумонц председателец Алексей Егорович Бадаев.

Фотось Союзфотонь.



Снимкаса: РСФСР-нь Верховный Советть Президиумонц секретарец Георгий Васильевич Козлов.

Фотось А. Добровольский.

(Союзфотось).

МАССР-нь Верховный Советть васенце созывонь васенце Сессияц

(Информационнай сообщениац)

Июль 25-це шистонза 6 частта илять МКСХП-ть зданияса панжевсь Мордовский АССР-нь Верховный Советть васенце Сессияц.

Депутатсь Фомин ялгась максеп предложения Мордовский АССР-нь Верховный Советть васенце Сессияц панжемс старейшай депутатти, сире производственникти С. Т. Семенов ялгати.

Старейшай депутатсь С. Т. Семенов ялгась июрхяня вступительнай речтонза меле панжезе Мордовский АССР-нь Верховный Советть васенце Сессияц.

Мордовский АССР-нь Конституциять 25-це статьяц коряс Мордовский АССР-нь Верховный Советть васенце Сессияц кочкась единогласно Мордовский АССР-нь Верховный Советти председателекс Инсарский избирательнай округт эзда В. П. Петушков ялгать.

Депутатсь Цыгановсь максеп предложения Мордовский АССР-нь Конституциять 25-це статьяц коряс кочкамс Верховный Советонь председателыти кафта заместителхть.

Заместителекс Сессиясь единогласно кочказень депутатть Лизьева М. А. и депутатть Байгушкин В. А. ялгатнень.

Депутатсь Быстровсь максеп предложения Мордовский АССР-нь Верховный Советть васенце Сессияц работанц колга примамс регламент. Дововлениянь и изменениянь предложениятнень мархта Сессиять работанц колга регламентсь примаф единогласно.

Депутатсь Христофоровсь максеп предложения примамс Сессиять работанцы шинь порядка. Предлагает:

1. Мордовский АССР-ть Верховный Советозонза Мандатнай Комиссиянь кочкамать колга кизефкс.

2. Мордовский АССР-нь Верховный Советти постояннай комиссиянь кочкамать колга кизефкс.

3. Мордовский АССР-ть Конституцияц кой-кона статьязонды изменениянь и дополнениянь колга кизефкс.

4. Мордовский АССР-ть Верховный Советсонза Президиумонь образованьять колга кизефкс.

5. Мордовский АССР-нь правительствать образованияц колга кизефкс.

6. МАССР-нь Верховный Советть депутатонзонды расхонь пандомать колга, конат (расхотне) сотнефт сынй депутатский обязанностьснон пешкодмаснон мархта.

Сессиясь шинь порядкать примазе единогласно.

Депутатсь Трубенко ялгась максеп предложения Мордовский АССР-нь Верховный Советти кочкамс Мандатнай Комиссия.

Сессиясь единогласно кочкась мандатнай комиссия тяфтама ялгань эзда.

1. Мандатнай комиссиянь председателсь депутатсь С. М. Дьяконов ялгась. Мандатнай комиссиянь членкс:

2. Депутатсь Ускреевсь.

3. Депутатсь Христофорововсь.

4. Депутатсь Гагинась—

5. Депутатсь М. Н. Суняйкинась.

Сессиясь единогласно, бурнай аплодисментса и «Ура» ювадемаса примась приветственной сьорма Сталин ялгати и сонь маластонь соратниконзонды Молотов, Езов, Ворошилов, Налинин ялгатненьди.

Ня кизефкснень мархта июль 25-це шинь Сессиять илядөнь заседанияц аделась.

Июль 26-це шистонза Сессиять шобдавань заседанияц ушеды комень частта.

Комсомолецне и афсоюзной одломаттне аноклайхть социалистический родинаньконди подаркат

Вишкоптасаськ стахановский методонь работать

Сартэонь комсомольский организациясь Ленинский комсомоль 20-це кизонзон топодеманцы анокламань работать ладязь цебарьста. Сартэонь комсомольский организациясь заключил социалистический договор.

Сартэонь комсомолецне Устиновсь, Зубовсь и Горбуновась синь лувондовихть производстваса стахановецок. Синь корхтайхть:

Ленинско-Сталинский комсомоль 20-це годовщиначь васьфтьсаськ производстваса отличной работаса.

Синь тя обязательствать ушедсть ни пшкотькшнемонза. Нят ялгань эсь добросовестной и честной работасон вельде фкявок авариясна ашель.

И. Белов.

Саранск ош

Комбайнерхненъ обязательствасна

Рузаевский МТС-нь комбайнерхне Антоновть мархта Кузнецовсь сьавсть эсь лангозост обязательствасна: эрь комбайнаса сезонста тиёмс аф 60 гектарда кржа и ванфтомс горючайда аф 10 процентта кржа.

Антонов и Кузнецов ялгань эсь обязательствасон пшкочнесазь пшк оцю честь мархта. Синь сьора урядаса лисеть аноклафста и сембод инголе.

Сембе работасон мольфцазь социалистический соревнованиять вельде.

С. А.

Рузаевкань р-н.

Н. Г. Чернышевский

(110 кизот шачема шистонза сьавомок (1828—1938 к. к.).

Великий русский революционер-демократ Николай Гаврилович Чернышевский шачсь июль 24-це шистонза 1828 кизоня Саратов ошу, городской священниконь семьяс. 1846 кизоня сон мольсь тонафнема Петербургский университету. Исключительна одоренной юношась жаднайста лувондсь философский и научнай содержанияса книгат. Тонафнемок университетса, Чернышевский ушеткшни критически ванондома окружающайти. Вию влияния од Чернышевскийти тисть 1843 кизоня западса революционной собиятне.

Университетть аделамдонза меле 1850 кизоня Чернышевский арась преподавателькс родной Саратов ошенц гимназиязонза. 1853 кизоня Чернышевский эсь дневниконзонза сьорматкшни: „Минцонк куроь ули бунт, а кда сон ули, мон непременно карман участвондама эсонза“.

Васьфцаськ Ленинско-Сталинский комсомоль 20 низонь топодеманц стахановский работань од рекордса

Куроь советский одломаттне праздновасазь эсь славный юбилейсон—Ленинский комсомоль 20-це годовщиначь. Тя славный годовщиначь комсомоль эсь тя дяцты—родинанцы аноклай замечательнай подаркат. Комсомолецне, афсоюзной одломаттне мархта марса нинге сьада пшк келпезь стахановский движениять. фабрикаса, заводса, колхозса, совхозса, учрежденияса, школыса и ст. тов, Ленинско-Сталинский комсомоль нифни работань замечательнай образец.

Махорочнай фабрикань работничась-комсомолкась Садкова ялгась макссь обязательствасна, што Ленинский комсомоль 20-це кизонь топодеманцы макссь норматтне ПВХО-нь и ГСО-нь значокенди, на „отлично“ макссьне техминимумонь норматтне.

Сон эсь лангозонза сьавф обязательстваттне ушедсь ни пшкотькшнемонза. Производстваса тяни сон стахановка, сонь содасазь сембе рабочайхне и работничатне, кода активнай общественникань и заботлавай ялгань. Ленинский комсомоль 20-це годовщиначь сон аф аныцек сонць аноклай подаркат, а аноклайхть и сонь ялгань. Садкова ялгась азондсь работань эсь опытонц сембе рабочайхненди и работничатненди. Садковась производственной заданияц пшкотькшнесь 135 %. Сон корхтай, што—Ленинско-Сталинский комсомоль 20 кизонзонды производственной нормань карман пшкотькшнемон 200 процентс. Тяфтама комсомолкада и афсоюзной одломаньда производстваса

пшк лама, конат нефтема преданнайхть большевистский партияти и сонь Центральной Комитетонцы.

Вов Бурнайкина ялгась, коначь оцю радостьса и трудонь оцю производительностьса васьфтьс Ленинский комсомоль 20-це годовщиначь топодеманц. Сон эсь лангозонза сьавсь обязательствасна, штоба пшкотькшнемс производстваса максф норматтне 200 процентс. Сон тяни ни норманц пшкотькшнесь 125—130 процентс. Макссьне техминимумонь норматтне на „отлично“.

Ленинско-Сталинский комсомоль 20-кизонзон топодеманцы включились социалистический соревнованияс кафта цехт: набойнай и разработочнай цехне. Набойнай цехсь норманц пшкотькшнесь ни 125 процентс. Шиста-шис нят цехнень трудонь производительностьсна кась.

Комсомольский организациять секретарец Писарев ялгась Ленинско-Сталинский комсомоль юбилейнцы анокламаса социалистический соревнованиять развертыванияц ладязь пшк цебарьста. Комсомолецне фабрикаса ащихть стахановский движенияти нивияторкс, синь эсь работань методсон азонкшнесазь афсоюзной одломаттненди, конат тяни нормасон пшкотькшнесазь 120 процентс.

И. Б.

Мзярда панжихть идень яслят?

Вирь—Сазан велень „Красный флот“ колхозса колхозонь председателсь Илюшкинць тячемс ашезь панжа идень яслят, конань сьонедас аф кржа идь мархта авада паксянь тевса аф работайхть.

Колхозникне учихть мзярда панжи кохозонь правлениясь идень яслят.

Водяков.

Рыбкнинь р-н.



Чернышевскийть великий заслуга аши сянть эса, што сон 1861 кизонь реформать эзда нязе сонь буржуазной сущностенц и пощадафтома разоблачандакшннезень либеральной балуттне. В. И. Ленинць сьормадсь: „Эрявсь именна Чернышевскийнь гениальностец, штоба эста, крестьянский реформать самай лифтемани эпохаста... тяфтама яснайста шарьхкодемсонь основной буржуазной характеронц“.

„Пролог“ эсь романонза „эман-“

сипатор господатненъ, лиякс мярьгомс дворянский либералхненъ, Чернышевский лемнесыне „васькафникс, болтункс и дуракоск“. Сон верондасы, што народть настоящайста освободиндама можно тиёмс аныцек восставшай народть эсь виини мархта.

Лама кизонь йотамс публицистонь пераса Чернышевский отстаивал народть интересонзон, редакторть Некрасовонь вельде „Современник“ журналть шарфтозе революционно-демократический мыслянь трибунакс. Чернышевский маштозь йотафннезень „цензураць препонзон и рогатканзон пачк—крестьянский революциять идеязон, сембе сире власттненъ йордамасон инкса массатненъ тюреманы идеясон“ (Ленин).

Помещикненъ и царский самодержавиять каршес тюремаса народть интересонзон Чернышевский аралакшннезень тяфтама вииса и последовательностьса, што 1914 кизоня Ленинць сьормадсь: „Сонь сочинениязон эзда веет классовый тюреманы духсь. Сон резкайста йотафннез либерализмать изменанзон разоблачандамаса

Ленинский комсомоль 20 кизонь топодеманцы подарка

Июль 24-це шистонза Мордовиянь спортивный общественень йоткса йотаффт республиканский соревнованият, кода примасть участия „Динамо“, „Спартак“, „Пищевик“ общественне.

Соревнованиясь посвященный Ленинский комсомоль 20 кизонц топодеманцы и кочкамс Мордовский, Чувашский, Татарский, Башкирский, Удмурдский, Марийский и Коми республикатненъ йоткса соревнованиянь йотафтомати ломатть. Соревнованиять программац ульсь: легкой атлетика, уема, ляцендема и велосипедса ардома.

Июль 24-це шинц васень пшкостонза ульсь йотаффт 100 метрань дистанцияс ласькома, кода напряженной „тюремаса“ Чуликов и Богдановьялгань („Спартак“) сатозь республикаса васенце вастть 11,4 секундаста. Луконинась („учитель“ общества) вьри комотемаса сьада цебарьгафтозень результатонзон—1 мет. 20 сантиметрат.

Болдов ялгась („Динамо“ общества) няфць рекордт гранатань метаниясь, няфтемок результат 63 метрат 70 сантиметрат. 100 метрас ласькомаса аватненъ йоткса васенце вастть сатозе Ребровась („Учитель“ общества)—13,9 секундта, а гранатань метаниясь—Лаптева ялгась („Пищевик“)—31 метрат и 15 сантиметрат. Вьри комотемаса алатненъ йоткса цебарь результатт няфть Кузичев ялгась—1 мет. 55 сантиметрат, („Пищевик“) Акимов и Плятнер („Динамо“).

Шить омбоце пшкостонза ульсь ядрань толкания, кода алатненъ йоткса васенце вастть занязь Акимов—10 мет. 44 сантимет. аватненъ йоткса Реброва—8 мет. 17 сантиметрат.

500 метрас ласькомаса васенце вастть аватненъ йоткса сатозе Моськина ялгась („Учитель“)—1 мин. 30,3 сек. и 1500 метрас, алатненъ йоткса васенце вастть сатозе Лоушкин („Учитель“)—4 мин. 30,4 сек.

Соревнованиятне аделавихть июль 31-це шистонза.

ся линиять, конань мянь тянимс пшк аф кельксазь капеттне и ликвидаторхне“.

К. Маркс пшк цениндакшннезень Чернышевскийнь экономический работанзон, характеризовал сонь кода „великий ученайнь“, коначь „миллень политический экономияц очерконзон“ эса... мастерски няфтезе „буржуазнай политический экономиять“ банкротстванц.

1862 кизоня Чернышевский ульсь арестовандаф и пшкстаф петропавловский крепости. Царский правительствас шарьхкодезе Чернышевскийнь революционной деятельности сембе опасностенц и сонь каршезонза тюрьс пощадафтома: 20 киза кирдезе сонь Сибирьса каторгаса и ссылкаса.

Кулось Н. Г. Чернышевский 1889 кизоня октябрь 29-це шистонза Саратов ошу.

Советский народсь пшк чтит Н. Г. Чернышевскийнь памятенц: 1936 кизонь февральста минь правительстваньке лифтьс постановления, штоба тиёмс Чернышевскийнди памятникт Москву и Ленинграду.

Комсомольский эряфсь

Решительна тюремс зазнайствать каршес

Комсомольский организациять работаса оцю роль кирди комсоргсь. Улемс комсоргокс тя ответственнай и почетнай тев, конанц доверил комсомольский организациясь. Улихть стама комсомолецт, конатнень кочкамок комсоргокс лувсаз пряснон оцю „ломанькс“, синь будто-бы киндинге не подчиняются.

Мокша Мазканя велеса комсоргсь Дьяков ялгась арась зазнайствать шири, аф кулхондкшнесыне масатнень вайгяльсн.

Тяфтама ломаттне тя зазнайствать вельде повондыхть аф правильной кис, конац вреднай ленинскый комсомолса коммунистический воспитания и сембе сонь работанцы.

Йотафневи уборочнай кампаниясь, конанц пингста комсомольский организациять задача—келептемс социалистический соревнованиять одломаттнень йоткса, нефтемс пример иляды колхозникненди. Аф тяфта ащи тевсь тяка жа комсомольский организациясь, комсомолецне аф вятихть кодамовок массово-разъяснительнай работа.

Дьяковсь тяка пингоня жа работай избачекс, конац ащи велеса культурный очагокс, но сон тясон га няфнесы эсь беспечнай отношеняи тейнза порученнай работаса.

Одломаттне пяк интересуются футболть мархта, синь оцю мялсна физкультурати, тянь колга ламоксть корхнест Дьяковти, но сон мезевок ашезь тий сянь инкса, штоба ладям физкультурнай кружокть работанц. Улихть организованнайхть лама кружокт кода СБВ, МОПР, коса станяжа работась калафгф.

Одломаттне вешихть, курокона шоворемс тя тевти ВЛКСМ нь райкомти и максомс практический лезкс комсомольский работать цебарьста ладяманцы, штоба ладм синь йоткост работать.

Комсомолец.

Сире-Синдрова.



Снимка: Бикмаев Митясь школьниконь омбоце спартакиадань участниксь. Гранатань метаниясь сявозе васенце васть. Сон гранатать йордазе 47,66 метрат.

Фотос Барановь.

Нарушандакшнесазь внутрисоюзной демократиять

Нинге аф пяк лама пинге йотась, мзярда ВЛКСМ-нь ЦК-ть V-це пленумоц решительна осуждандазе ся фактть, што кой-кона комсомольский организацияне нарушандакшнесазь внутрисоюзной демократиять. Комсомолонь руководителхне люпшнест комсомолецнень и нльня бюронь или комитетонь члеттнень правоснон.

Комсомольский массась кемоста осуждандазень тяфтама руководителхнень поведениаснон.

Но эряви азомс, што Ширингушский районца тяфтама вреднай, осужденнай практикась нинге тя чемс апак машфит. Тяса важнейшай комсомольский кизефксонь решандамста райкомонь члеттнень сембонь аф кизефнесазь.

Сязендсазь массово-разъяснительнай работать

Эрь комсомольский организациять, эрь комсомолецт инголе ащи оцю задача вятемс массово-разъяснительнай работа афсоюзной одломаттнень йоткса, воспитандамсинь коммунистический духса.

Тяфта жа инь основной задачка ащи эрь комсомолецти — сембе пингть кеподемс эсь политический знанияиснон.

Но улихть комсомольский организацият нят задачатнень эрявиксонди аф лувондсазь, а кда лувондсазь, то сознательна сязендсазь, аф пашкодкшнесазь ВЛКСМ-нь уставть отдельнай пунктонзон.

Вов Каргаша велень первичнай комсомольский организациясь (секретарь Саварин). Тяса тичемс аф вятевти кодамовок массово-разъяснительнай работа одломаттнень йоткса, фкявок комсомолецт ашезь яка паксаян станга, одломаттнень йоткса кодамовок читкат и беседат аф тиендихть, а тянь вастс эршиня симондихть винада.

Вов июнь ковть 29-це шистонза ульсь ВЛКСМ-нь райкомть заседания. Тя заседанияс ванондовсть важнай кизефкт, а именна: комсомолу примамась и ВКП(б)-нь ряттнени сувамс комсомолешненди рекомендацяннь максомать колга. Но „заседаниясь“ ульсь аныцек райкомонь 1 член.—Явкин ялгась. Сон ськамонза примась комсомолу 15 ломань, протоколти сьормалы: „единогласно“, а голосовандайда ськамонза.

Тяфтама фактнени эряви пугомс пе. Внутрисоюзной демократиять эряви соблюдать и вестенге аф нарушандакшнемс сонь, а кие нарушает эряви таргамс кеме отвес.

Д. Семаев.

Тяда башка эряви азомс, што комсомолецнень эсь йоткост полит-занятия аф эрсьихть.

Саварин ялгась нят безобразиятнень тиендемаснон инкса максилезкс.

ВЛКСМ нь Zubovo-Polyanay райкомти тянь эряви лувомс и куроконь пингть безобразникнень мархта примамс соответствующий мерат.

П. Фанакин.

Zubovo-Polyanay p-n.

Политучебась сязьф

ВЛКСМ-нь уставть пунктонзон эса корхтати, што эрь комсомолецт должен улемс политически грамотнай, систематически тонафнемс Марксонь—Энгельсонь—Ленинонь—Сталинонь трудснон.

Но кой-кона районга и ВЛКСМ нь райкомтне комсомолецнень политический уровеньнон кеподемн эрявиксонди аф лувондсазь, а кда лувондсазь, то тянь сознательнайста сязендсазь.

ВЛКСМ-нь Торбеевский райкомсь уставть тя основной пунктонц аф пашкодкшнесы.

Районца сембоц 80-да лама комсомольский организацият, пцтай сембе организациятнень эса политучебась сязьф, аф ваномок сянь лангс, што эрь организацияти кемокстаф пропагандист, но сембе сяка ком-

сомолецнень йоткса политико-воспитательнай работа аш.

Мес жа тя тевсь ащи калдывста?

Сяс, што ВЛКСМ-нь райкомсь тя работать шири мялзда шарфни кржа. Пропагандистнень йоткса семинархт эрсьихть шуроста, ВЛКСМ-нь райкомста фкявок работник велеса аф якай, а тяста и няеви, кодама работа йотафни райкомсь велень первичнай организациятнень эса.

Комсомолецне кизефнесазь ВЛКСМ-нь райкомть, мзярда ули ладф политучебань работась, и мзярда райкомсь кадгы кабинетно-бюрократический работанц?

Пронькин.

Торбесвань p-n.

Организациясь аф касы

М. Маресева велеса Сталин ялгать лемса колхозонь комсомольский организациясь колхознай одломаттнень йоткса кодамовок агитационнай работа аф вяти. Мезень сюнеда тя комсомольский организациясь аф касы.

Колхознай лучшей одломат-

тнень-цораятнень и стирнятьнень ули оцю мялсна сувамс ВЛКСМ-нь ряттнени, но комсомольский организациясь и сонь комсоргоц нят ломаттнень аф нийсыне, сяс мес организациясь синь эздост ащи ширеса.

Н. И. З.

Чмзинкань p-n.

Школась ремонтировандаф

Од—Выселка велеса тонафнема кизоть аделамонза меле, вишкста кырмодсть школать од тонафнема кизоти анокламонза, штоба ученикне йотафтомок кизонь канкулатнень салхть школав, коса улель действительна чистота и уют.

Тяни школать ремонтировандамда аделазь, анокласть школьной пособият, карандашт, тетратть и лия необходимой учебнай пособият

Ромашов.

Zubovo-Polyanay p-n.

Воспитательнай работать результатонза

Воспитательнай работась кирди оцю значения комсомолонь ряттнень касомаснонды. Колхозга лама одломаньда, конат нефтема преданнайхть большевистский партия и сонь Центральной Комитетонцы.

Духонкина велеса первичнай комсомольский организациясь ульсь п-к йолма. ВЛКСМ-нь ЦК-ть V-це пленумонц решениядонза меле аф оцю тя организациясь кырмодсь воспитательнай работать вишкптеманцы. Тянь вельде организациясь кась и тяниня касы. Июнь ковста анокляф 10 афсоюзной одломатть комсомолу сувамати, а тяни, июль ковста нят одломаттне примат ВЛКСМ-нь членкс, конат примосихть активнай участия комсомолть эряфсонза, общественной эряфса. Регулярнайста йотафневихть политзаняти т, коза слушательхне сашендыхть аноклафста, конспект мархта, комсомольский организациясь нолни цебарьста оформленной стенгазета, конац ковти лисенди колмоксть.

Комсомольский организациясь цебарьста касы стирнятьнень лувкста.

„Комсомолец“

Атюрьевань p-n.

Одломаттне сувайхть комсомолу

Арга велеса одломаттне пяк оцю мялса сувсихть Ленинско - Сталинский комсомолть рядонзонды. Аныцек мекольдень пингть эзда 10-да лама одломатть примат ВЛКСМ-нь ряттнени, конатнень эзда 2 стирнят.

Комсомолецне вятихть оцю работа афсоюзной одломаттнень йоткса. Тяса сембе комсомолецне кемокстафт производствать башка участканзонды, коса синь колхозникненди азонкшнесазь партиять и правительствать решенияснон.

Н. Пронькин.

Атюрьевань район.



Снимка: Володя Казарин—школьниконь омбоце спартакиадань участниксь. Ласькомаса сявозе васенце васть. 60 метра дистанциять Володась ласькозе 8,2 секундаста.

Фотос Барановь.

Заемти сьорматфтомась

Активнайста сьорматфтыхть заемти

Советский правительствать постановлениа колмоце пятилеткань васенце выпуск заемть колга трудяшайхне йотафнесазь эряфс.

Колхозникне, кда и сембе трудяй ломатне цебарьста содасазь, што максомок трудовой эсь рубль-снон, тянь мархта максыхть оцю лезкс государствати нинге сяда цебарь эряфонь тиёмати.

Мокша Мазканя велень колхозникне, трудяй единоличникне и служащайхне сембе подписались заемти и подписной суммать ушедсть пак вишкста пандомонза.

Кудашкин.

Синдровань р-н.

Сьорматфтыхть заемти

Перхляй велень колхозникне и колхозницатне оцю мялса сьорматфцть колмоце пятилеткань (васенце выпуск) заемти. Лама колхозникт ушедсть ни заемть счетс ярмаконь пандома.

Тя тевса оцю работа вяти комсомольский организациясь. Комсомолецне заемти сьорматфтомасяфцть пример сембе колхозникнеди и колхозницатнеди.

Геразин.

Рузаевкань р-н.

„ТЯ ТЕВСЬ АФ МОНЬ“

Маресевка велеса колхозникнеи йоткса аф вятеви кодамовок культурно-массовой работа, избачитальнясь велеса максси оцю возможность культурно-массовой работань вятемати.

Мес жа аф работай избачитальнясь?

Аф работай сяс, мес вельсоветонь председатель аф максси кодамовок возможность работамс.

Избачитальнясь аш газетат, аш кодамовок литература. Тядя башка помещениясь йолма, эсонза аш фкявок лозунг и плакат, сембе вастса рдас, аш сторож, но вельсоветонь председатели избачсь аф весть шарфнесь моль, но сон мезевок ашезь лезда. Тянь колга эряви азомс, што вельсоветонь

Заемсь немокстасы странаньконь оборонанц

Консервной комбинатонь рабочайхне, работницатне и обслуживающай персоналсь оцю мялса сьорматфтыхть заемти.

Агитационнай работать вельде рабочайхне и работницатне цебарьста шарьхкодезь, што заемсь моли эсь благосостоянияснон цебарьгафтомаснонды, социалистический родинать обороноспособностенц кемокстаманцы.

Июль 18-це шинцы самс механическо-мастерскоень работникне сьорматфцть 100%, столоваень рабочайхне и работницатне—79,5%, жестяно-баночнай цехсь—89,4%, фруктовой цехсь—87 процентс и ст. тов.

Активной участи заемти сьорматфтомаса примосихть Лебедев, Андронов, Лукин, Котлов, Терехов, Чернышев, Балахонкин ялгатне, конат синць сьорматфцть ковань работамань питнес. Заемти сьорматфтомась моли.

И. Акшев.

Саранск.



Снимкаса: Саранский райононь „Маяк революции“ колхозонь пулфонь сотьсь Е. М. Михеевась колхознай од урожаень пулф мархта.

Фотось Барановть.

Норматнень пяхкотькшнесазь вельф

Оцю Брлав велень „14 годовщина Октября“ колхозонь комсомольский организациясь организовандась кядьса нуень 2 одломанень звенат. Синь нума лисць колхозса сембе звенатнень коряс инь васенда.

Колхозть нормативанц коряс кядьса эряви нумс 0,13 тектархт, но Якушова Анять мархта Климкина Машать звенасна нормат кядьса нумста пяхкотькшнесазь 185—200 процентс.

Якушева и Климкина ялгатне сембе работать мольфцсазь социалистический соревнованиять вельде. Синь эсь инголест путозь задачкас—сьора урядамаса работакшнемс анышек нормань вельф пяхкодезь и цебарь качества мархта.

П. Кузнецов.

Пурдашкань р-н.

Соревновандайхть формальна

Штоба ленинско-сталинский комсомолть 20-це годовщианц васьфтемс оцю сатфксса, тянкаса Од-Кярьге велень комсомольский организациясь кемокстась социалистический договор Курташка велень комсомольский организациять мархта.

Нят организациятне соревновандайхть 3-це ковсьни, но социалистический договорхне нинге вестегя атак проверендакт.

Комсомолецне комитетонь секретарьти Кижайкияти аф весть мярьгонцть, штоба сон соцдоговорть проверяндакшнелезе сяда сиденияста и соревнованиять результатонзон азонкшнелезень комсомолецнеди, но сон комсомолечненень кизефксснонды арьси тячи ванды.

Комсомолец.

Атюрьевань р-н.

Бикеевсь калафнесы труддисциплинать

Перхляй велень „1-це пятилетка“ колхозса нарушандакшневи вельхозарелень уставсь.

Сталинский вельхозуставса корхтати, што эрь колхозса должен улемс лац ладяф трудсь и дисциплинась, цебарьста ванфтомс колхознай паршить и тюремс работань цебарь качестванкса, но „1-це пятилетка“ колхозса тя аф пяхкодькшневи.

Уборочнай кампанияти лисць аф аноклафста, трудь учетоц ладяф калдывста, тядя башка Рузаевкань МТС-сь макссь кафтакомбайнат, конат станя жа аф использовандакшневи хть. Колхозонь пред-

седательсь Бикеевсь кафтонь колмонь ши аф якай колхознай правления, а коса бди симонди винада, а тянь сюнеда колхозса колхозникне эрсихть атак работак и тефне илядкшнихть атак тихть.

Бикеевть ширде нят аф кирдемшка безобразиятнень сюнеда колхозса каладкшни труддисциплинась.

Колхозникне вешихть Рузаевкань РайЗО-ть ширде, штоба нят безобразиятнень ингса Бикеевть таргамс отвец.

Г. И.

Рузаевкань р-н.

„Комсомолонь вайгяль“ газетать читателензон вниманияс

„Комсомолонь вайгяль“ газетать редакцияс ставит эсь читателензон сведенияс, што Республиканский комсомольский газетатне „Комсомолонь вайгяль“ и Ленинэнь киява“ августть 1-це шистонза 1938-це кизоня об'единяются комсомольский фкя газетас, конанц лемоц кармай улемс „Мордовиянь комсомолец“.

Газетась кармай лисендема ковти 15-сть.

Подписчикне, конат сьорматфцть „Комсомолонь вайгяль“ и „Ленинэнь киява“ газетатнеди 3—6 ковс и киза кувалмос, кармайхть получама „Мордовиянь комсомолец“ газета.

Редакциясь.

Ответ. редакторсь П. ЕЖОВ.

Г. Саранск. вып. 40-ый Октябрь



Кочкуровский райононь, Пакся Тавлань, „17-й парт'езд“ колхозса сьоронь урядамась. СНИМКАСА: 4-це бригадань нуйсь Т. С. Бабакаевсь нуй розь.

Фотось Барановть.